

Goibekokokale

ELGETA / Barikua / 2002ko azaroaren 22a / 119. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Goibeko, Espaloia Kafe Antzokiaren proiektua bertan behera uzteko gertu

OXEL EROSTARBE

Espaloia Kafe Antzokiaren proiektua zelan dagoen eta aurrera eramateko epeen gainean gutun bat bidali zion Udalarari Goibeko Kultura Elkartek. Eta talde eragileak ez du erantzunik jaso. Seriotasun falta dagoela-eta, proiektua uzteko prest agertu dira.

Azken hilabeteotan Espaloia Kafe Antzokiaren proiektua dela-eta Udala izaten ari den jarrerarekin nahiko haserre daude Goibeko Kultura Elkartekoak. Halaxe adierazi diote GOIBEKOKALERI Etor Sarasua eta Iban Retolaza elkarteko talde eragilekoek: "Ilusioz beteriko proiektuari atea zelan ixten zaizkion ikusten ari gara. Tamalez, bai talde eragilekoek zein alboan izan dugun beste zenbait jendek Udalaren ganora falta nabaria sumatzen dugu. Elkarte bezala batzarrak ez du erabakirik hartu. Udalak horrela jarraitzen badu, ordea, zer egin pentsatu beharko dugu".

Talde eragiletik idatzitako gutun bati Udalak erantzun ere ez ei dio egin: "Aspertuta gaude! Beti eutsi izan diogu elkarrizke-



Gauzak aldatu ezean, Goibeko Kultura Elkarteko batzar orokorra deituko du talde eragileak, zer egin erabakitzeko.

tari, baina oraingoan, ilusioek behea jo dute. Urriaren 9an, gutun bat idatzi genien alkateari eta kultura teknikariari. Bertan, proiektuaren gainean genituen

zenbait zalantza eta galdera zerrendatu genituen. Hilabete eta erdi daramagu erantzun simple baten zain, eta ez dugu ezer ere lortu. Patxi Basauri alkateak dena

dauka geratuta, eta egoera tamalgarrin jarraitzen du Espaloia aretoak. Gure iritziz, bai guri bai herriari ere Udaleko alderdi biek duten proiektua azaldu beharko

"Hilabete eta erdi daramagu erantzun simple baten zain, eta ez dugu ezer ere lortu"

ligukete. Zer jarraitu behar dugu, egoera txarrean antzezlanak ikusten? Argi barik? Eserleku barik? Baldintza minimo barik? Lotsagarria da gure herrian dagoen kultura politika!".

BATZAR OROKORRAK ERABAKIKO DU
Hilabete eta erdi erantzunik jaso barik igaro ostean, itxaroten jarraitu edo proiektua bertan behera uztea hausnartzen ari dira talde eragilekoak: "Talde eragilekoek, pazientzia agortzen hasi zaigu. Udalak ikusi behar du Udalak berak duela Goibekok aretoaren kudeaketa hartzeko interes handiena. Hala ez bada, hor geratuko dira euren areto huts eta hotzarekin! Udalak jarrera horrekin jarraitzen badu, elkarteko bazkideak batu, eta erabakiren bat hartu beharko dugu".



Hillaren 28xan, Hiruki ipuin kontalari taldia

Irakurtzeko zaletasuna bul-tzatzeke kanpainaaren barruan, Hiruki ipuin kontalari taldiaren *Tota-Noka* lana ikusteko aukera izango dugu datorren eguenian, liburutegixan. Arratsaldeko sei-retan izango da emanaldixa, eta bertan, topikuetatik kanpo daren ipuina kontauko dittue. Erretratuan Hiruki taldiaren beste lan bat ikusi geinke. Seguruenik, aurrerago egongo da hori ikusteko aukeria. Kultura batzordiak antolatuko dau ekitaldixa./O.E.

LABUR

Emakumien kontrako indarkerixia salatuko dabe udaletxeko balkoian banderia jarrixaz

Osoko bilkuran hola erabakitta, datorren astelehenian, emakumien kontrako indarkerixia salatuko dau Elgetako Udalak. Izan be, azaruaren 25a emakumiek jasaten daben indarkerixaren kontrako eguna da. Udaletxeko balkoian horren egunorren barri emoten daben banderia egongo da egun osuan.

Elgetan be gertatzen dira emakumien kontrako tratu txarrak. Herritarroi erasotzailliei aurre egittera deittu nahi gaittue.

Potzu septikuak garbitzeko kudeaketak egitten dihardu Baserritarren batzordiak

Potzu septikuak garbitzeko aurrekontuak eskatu bihar dittu Baserritarren batzordiak. Hola, horrek potzuok garbittu nahi daben baserritarrak lehenbailehen emon bihar dabe izena Udalian. Izana zenbat eta ugazaba gehixagok emon, orduan eta merkiagua izango da kostua. Elgetan hamar potzu septiko dare, eta bostek emon da dauke baiezku. Gabon aldera garbittuko dittue putzuok.

IRAKURLIAREN TXOKUA

**ASKATASUNA LORTZEKO
EAJ-REN BIDEA**

Aurreko astean Aranzabal jaunak egiten zizkidan galderei erantzunez eta "zeruko aingeruen" defentsan idazten dut ondorengoa.

Garzonen autoak eta espainiar legedia bete, bai ala ez; autodeterminazioa eta lurraldetasuna, eskubide ala helburu; lehendakariaren proposamena nori zuzenduta, Euskal Herriari ala Baskongaderi; biolentziaren espresio okerrenak norenak, ETArenak edo Ertzaintzarenak;... eztabaida guzti hauek dira ezker abertzaleak etengabe plazaratzen dituenak eta, aurreko idazlanean adierazi nuen bezala, inora ere eramaten ez gaituztenak.

Mendizaletasuneko alegoria eginez, abertzaleok sentitzen dugun askatasun "egarria" asetzeko "mendi" oso handiak diren Espainia, Frantzia eta Europar Batasuna zeharkatu behar ditugu. Eta hori egin ahal izateko ezinbestekoa dugu herri bezala posiblea izan dezakegun bidea ondo aukeratu eta legitimitate demokratikozko "elikagaiez" ondo hornitzea.

EAJk argi dauka ondorengoa eginez bide zuzenetik goazela:

- 1) Biolentzia espresio guztien desagertzea.
 - 2) Lehendakariaren elkarbizitzarako proposamena adostu eta aurrera ateratzea.
 - 3) Euskaldunen borondatea errespetatzea. Iparraldeko, Nafarroako eta, baita ere, Arabako gehiengoarena. Eta badakigu, hauekin autodeterminazio eskubideaz zerbait adosteko, zenbat lan txukun egin beharrean gauden abertzaleok.
- Guzti hori aurrera ateratzeko hobe genuke "zeruko aingeruetan sinistu" eta era demokratikoan jardutea, eztabaida antzuetan ibili eta deabrukeriak egitea baino.
- Indarkeria da handi autoritarioak beti nahi izango duan jolastokia; txikiak, oster, nahiago beharko luke errespetuzko elkarbizitza. Espainolismoa oso eroso dago biolentzia eta autodeterminazioa etengabe nahastuz eta abertzaleok bateratu ezinik ikusten; bakea, elkarbizitza eta demokrazia dira, berriz, askatasuna lortzeko abertzaleok behar duguna.

EDUARDO ZUBIAURRE

ASTEKO GAIA


Datorren urtera arte ez dituzte hartuko autoek abiadura murrizteko neurriak

O.E.

Datorren urtera arte autoak, beti bezala, bizkor igaroko dira gure herritik. Autoek abiadura murrizteko neurriak hartzeak izango duen diru kostua datorren urteko aurrekontuan hartuko du kontuan Elgetako Udalak. Orduan eramango dituzte aurrera lanak.

Autoek herritik igarotzean abiadura murrizteko Diputazioak aurkeztutako proiektua Udalaren eskutetan dago. Une honetan, udal aparejadorea proiektu hori eta Udalak egin duen irisgarritasun proiektua batzen ari da. Datorren urtean, bi proiektuak aurrera eramateko.

Autoen abiadura murrizteko aurrera eramango duten proiektuak zera zehazten du: Salbador kalearen bi irteeretan, zubiaren bi aldeetan, Ostatu aurrean, Arbitrio etxearen parean eta Artekalen semaforoak jartzea. Semafoeroez gain, herriko sarreretan oinezkoen babesguneak jartzea da asmoa. Irisgarritasun proiektuak, berriz, herri osoan ezinduek oztoporik ez izatea du helburu. Proiek-



Datorren urtera arte argi ibili beharko dugu elgetarrok bidea gurutzatzeko orduan.

tu biak batu eta faseka eramango dira aurrera, seguruenik.

Fase horiek zehazteko, lehenbailehen Diputazioko teknikariek in batzarra egitea da Udala-

ren asmoa. Batzar horren ondoren zehaztuko dute fase bakoitzean aurrera eramango diren lanak. Bestalde, hurrengo urteko aurrekontuetan oinezkoen segur-

tasunari garrantzia eman nahi dio Elgetako Udalak. Aurten aurrera eramateko asmoa zegoen proiektuak datorren urtera arte itxaron beharko du.

KIROLA


Xabier Uberak gaur ekingo dio aurtengo DV Txapelketari

O.E.

Jon Bengoetxea eibartarra bikote duela, gaur iluntzean ekingo dio Xabier Uberak aurtengo DV Txapelketari. Azken bi urteotan finala jokatu du elgetarrak, eta aurten ere hori du helburu. Aurrera jarraitzeko, gaur irabaztea ezinbestekoa dute.

Amateurren mailan bikoteka jokatu den txapelketa garrantzitsuenean onenen artean egon gura dute Xabier Uberak eta Jon Bengoetxeak. DV ez da txapelketa erraza, partidu bakoitza hil edo bizikoa da eta irabazten duenak bakarrik egiten du aurrera. Gaur, 20:00etan, Eibarko Astelena, Erroizenea eta Zapirain izango dituzte aurkari. Hernaniarra eta azkoitiarra Mendiluzeren eta Garziaren aurka irabazita sailkatu dira final-laurdenetarako. Ez dute lehen partidua jokatzearen presiorik izango; hortaz, Uberak eta Bengoetxeak nahiko lan izango dute lehia irabazteko.

DV Txapelketa azken txanpan sartu da, eta pilotari guztien maila nahiko bertsua da. Gaur



Azken bi urteotan DV Txapelketako finala jokatu du Xabier Uberak.

iluntzean edonork irabaz lezake. Aurreko urteetan egoera ez da erraza izan, eta garaile atera da Ubera. Ea gaurkoan ere hala den.

ASTE BUKAERAN, ARGIA FRONTOIAN

Zenbait eskaerari jaramon eginez, aste bukaeretan 17:00etatik

19:00etara frontoiko argia piztea begi onez ikusi du Kirol batzordeak. Frontoia herritarrek erabiltzea da helburua; hau da, umeek eta gurasoek erabiltzea. Proposamenak duen diru gastua dela eta, gai horretan Gobernu batzordeak dauka azken hitza.

LABUR

Azaruaren 29xan, erabilitako olixua batuko dau Mayak

Hillero egiten daben moduan, azaruaren be erabilitako olixua batuko dau Maya ingurumen taldiak. Hortaz, datorren bari-kuan, sukaldietan gordeta daukagun erabilitako olixua eruan biharko dogu plazara. Mayakuak 18:00etatik 19:00etara egongo dira bertan.

Abenduaren 12xan, berriz, energia alternatibuen gaineko berbaldixa izango da liburutegixan. Hain justu, herri maillan energia alternatibua aurrera zelan eruan leiken aztertuko dabe berbaldixan.

Gaur gabian, kontzertua izango da gaztetxian

Bizkaiko hiru musika talderen kontzertua antolatu dabe gaztetxekuek gaur gaberako. 20:30ian hasiko da kontzertua. Bertan, Nabari, Axut eta H₂O taldeen musikia entzuteko aukeria izango dogu.

Oin dala bi aste Elgetako bi taldiekin izan zan giro aparta errepikatzia nahi dabe herriko gaztiak.

ERRETRATUZAHARRA

BERGARA

Accion
Catolicako
dantza taldea

Accion Catolicak orain dela 48 urte Zumaian egindako kale bilkura bateko argazkia duzue hau. Bergaran, Santa Marina eta San Pedro parrokiek bideratzen zuten Accion Catolica, eta lokala Komenio kalean zeukaten. Casino elkarte zegoen eraikin berean. Berbaldiak, musika emanaldiak eta bestelako kultura ekitaldiak antolatzen zituzten han. 1954an, Gipuzkoa mailako kale bilkura egin zuten, Zumaian, eta Accion Catolicako dantza taldeko neskak han izan ziren.

Zumaiako portuan zegoen barku batera igota, hauek dituzue argazkian agertzen direnak, ezkerretik eskumara: Susana Kintana, Mertxe Ruiz, Nati Pujana, Mari Glori Etxaniz, Vega Biziola, Maria San Vicente (atzerago, zutik agertzen dena), Mari Luz Zurbarano, Maite Suinaga, Pilar Ruiz, Isabel Gallastegi, Manolita Ubierna eta Margarita Ezpeleta.

Argazkia: Maite Suinaga



ADI IRAKURLE!

Zure erretratu zaharra argitaratzea nahi izanez gero, zator BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

BERGARA

Labegaraietako
zubia

Iturrikoa etxea bota aurretiko argazkia duzue ezkerrekoa, Udal Agiritegian jasotako datuen arabera etxe hura 1955ean bota zuten-eta. Gaur egun, Iturrikoa izenarekin bidegurutzean dagoen etxea ezagutzen da. Iturrikoa etxearen eta zubiaren artean dagoen soroa Balento baserrikoa zen, eta Conde del Valle zen jabea. Alboko bi argazkien artean, gutxi gorabehera, 50 urteko aldea dago.



≈1950 Labegaraietako zubia, 50eko hamarkadan (Begarako Udal Agiritegia. Pilar Larrañagak utzitako argazkia).



2002 Agirrebeña jatetxe bakoitiko atetarako argazkia. Eskuinaldean, Cerrajerak 60ko hamarkadan eraikitako etxeak.



Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.

AZKEN
JOERA
GUZTIAK

ZABALIK
ZE HARO
BERRITUTA

Irala 5 BERGARA 943 76 24 88



IGARZA
MERTZERIA ETA LENTZERIA

GATZA ETA
BERAKATZA...

Gertuko sukaldea
gertu-gertutik!

Egunero,
13:30ean, 16:00ean,
19:45ean eta 21:45ean

Goitb
Goiena Telebista

*Ikusiko
duzu!*



Edozein egoera menderatzen
lagunduko dizun auto batekin amets egiten duzu?

Vectra berria orain, 16.500 €-tik aurrera.



Opel Vectra berria

Xasis berria Gidatzeko Sistema Interaktiboarekin (IDS), non direkzioak, frenoak eta esekidurak elkarrekin lan egiten duten errepidearen kontrol osoa lortzeko. Vectra guztiz berria, Ecotec balbula anitzeko motor gama berritzailearekin: 2.2 DTI / 125 ZP edo 3.2 V6 / 211 ZP edo potentzia handiko motorra duen GTS bertsioa.



Opel. Ideia berriak. Auto hobekak.

*Fabrikatzaileak gomendatutako salneurria Penintsulan eta Balear Uharteetan Vectra Club 1.8 16 V modeloan. Hau guztia bane: garraioa, BEZa, matrikulazio zerga, Prever Plano eta berria ez den ibilgailuen akzioa. Hil bukaera arteko promozioa. Iragarkian agertzen den modeloa ez da eskaintzen dena.

Giauto Bergara

Kontzesionario ofiziala:

Olabarrena auzoa z/g. Tel. 943 76 33 44/45/46/47. BERGARA

www.giauto.es